

**ՊԵՏՈՒԹՅԱՆ ԿԱՐԻՔՆԵՐԻ ՀԱՄԱՐ ԱՊՐԱՆՔԻ ՄԱՏԱԿԱՐԱՐՄԱՆ
ՊԱՅՄԱՆԱԳԻՐ N ԳՀԱՊՁԲ-22-8/1-1**

ք. Երևան

7 Տարի 2022թ.

ՀՀ պաշտպանության նախարարությունը, ի դեմս ՀՀ պաշտպանության նախարարի տեղակալ Կ. Բրուտյանի, ով գործում է նախարարության կանոնադրության հիման վրա, այսուհետ «Գնորդ», մի կողմից, և «ԱՏԱ» ՍՊԸ-ը, ի դեմս տնօրեն Ա. Մովսիսյանի, ով գործում է ընկերության կանոնադրության հիման վրա, այսուհետ «Վաճառող» մյուս կողմից, կնքեցին սույն պայմանագիրը հետևյալի մասին:

1. ՊԱՅՄԱՆԱԳՐԻ ԱՌԱՐԿԱՆ

1.1. Վաճառողը պարտավորվում է սույն պայմանագրով (այսուհետ՝ պայմանագիր) սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման ժամանակացույցով նախատեսված ապրանքը (այսուհետ՝ ապրանք), իսկ Գնորդը պարտավորվում է ընդունել ապրանքը և վճարել դրա համար:

2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

2.1 Գնորդն իրավունք ունի՝

2.1.1 Ապրանքը պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 5 օրից ավելի:

2.1.2 Եթե հանձնվել է անպատշաճ որակի՝ պայմանագրով նախատեսված տեխնիկական բնութագրին չհամապատասխանող ապրանք՝

ա) պահանջել հատուցելու ապրանքի անպատշաճ որակի լինելու պատճառով իր կատարած ծախսերը.

բ) չընդունել ապրանքն՝ իր հայեցողությամբ սահմանելով անպատշաճ որակի ապրանքը պայմանագրին համապատասխանող որակի ապրանքով անհատույց փոխարինման ողջամիտ ժամկետ և պահանջել Վաճառողից վճարելու պայմանագրի 6.3 կետով նախատեսված տուգանքը.

գ) հրաժարվել պայմանագիրը կատարելուց և պահանջել վերադարձնելու ապրանքի համար վճարված գումարը:

2.1.3 Եթե հանձնվել է պայմանագրով որոշվածից պակաս քանակի ապրանք, ապա՝

ա) պահանջել լրացնելու ապրանքի պակաս հանձնված քանակը,

բ) հրաժարվել հանձնված ապրանքից և դրա համար վճարելուց, իսկ եթե ապրանքի համար վճարվել է, ապա պահանջել վերադարձնելու վճարված գումարը և վճարելու պայմանագրի 6.2 կետով նախատեսված տույժը:

2.1.4 Եթե հանձնվել է տեսակի պայմանի խախտմամբ ապրանք, իր ընտրությամբ՝

ա) ընդունել տեսակի վերաբերյալ պայմանին համապատասխանող ապրանքը և հրաժարվել մնացած ապրանքներից.

բ) հրաժարվել հանձնված բոլոր ապրանքներից և պահանջել վճարելու պայմանագրի 6.2 կետով նախատեսված տույժը.

գ) պահանջել տեսակի վերաբերյալ պայմանին չհամապատասխանող ապրանքի անհատույց փոխարինում պայմանագրով նախատեսված տեսակին համապատասխան ապրանքով:

2.1.5 Վաճառողի կողմից մատակարարման ժամկետների խախտման դեպքում իր հայեցողությամբ սահմանել ապրանքի մատակարարման նոր ժամկետ և պահանջել Վաճառողից վճարելու պայմանագրի 6.2 կետով նախատեսված տույժը:

2.1.6 Վաճառողից պահանջել հատուցելու վնասները, եթե Գնորդը Վաճառողի կողմից պարտավորությունը խախտելու հետևանքով պայմանագրի լուծումից հետո ողջամիտ ժամկետում այլ անձից ավելի բարձր, սակայն ողջամիտ գնով գնել է ապրանք՝ պայմանագրով նախատեսվածի փոխարեն՝ պայմանագրով սահմանված և դրա փոխարեն կնքված գործարքի գների միջև տարբերության չափով, ինչպես նաև ապրանքն այլ անձից ձեռք բերելու համար իր կատարած բոլոր անհրաժեշտ և ողջամիտ ծախսերը:

2.1.7 Միակողմանի լուծել պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը.

2.1.7.1 Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք որը չի կարող փոխարինվել Գնորդի համար ընդունելի ժամկետում.

բ) ապրանքի մատակարարման ժամկետները խախտվել են 5 օրից ավելի,

2.1.8 Չննել ապրանքը և հայտնաբերված թերությունների մասին անհապաղ տեղեկացնել Վաճառողին:

2.2 Գնորդը պարտավոր է՝

2.2.1 Կատարել պայմանագրին համապատասխան մատակարարված ապրանքի ընդունումն ապահովող բոլոր անհրաժեշտ գործողությունները:

2.2.2 Վաճառողի հանձնած ապրանքից պայմանագրին համապատասխան հրաժարվելու դեպքում, ապահովել այդ ապրանքի պատասխանատու պահպանությունը և դրա մասին անհապաղ տեղեկացնել Վաճառողին:

2.2.3 Պայմանագրով նախատեսված կարգով և ժամկետներում մատակարարված ապրանքն ընդունելու դեպքում Վաճառողին վճարել վերջինիս վճարման ենթակա գումարները, իսկ վճարման ժամկետի խախտման դեպքում՝ նաև պայմանագրի 6.5 կետով նախատեսված տույժը:

2.2.4 Ապրանքի քանակի, տեսականու, որակի մասին պայմանագրի պայմանները խախտելու մասին Վաճառողին ծանուցել թերությունը հայտնաբերելուց հետո անմիջապես կամ այն բանից հետո՝ ողջամիտ ժամկետում, երբ պայմանագրի համապատասխան պայմանի խախտումը պետք է հայտնաբերված լինի՝ ելնելով ապրանքի բնույթից և նշանակությունից:

2.2.5 Պայմանագրի 2.3.3 կետի համաձայն պայմանագրի լուծումից հետո Վաճառողին հատուցել վերջինիս պատճառված և սահմանված կարգով հիմնավորված վնասները:

2.3 Վաճառողն իրավունք ունի՝

2.3.1 Գնորդից պահանջել ընդունելու պայմանագրով նախատեսված կարգով, ծավալներով, ժամկետներում և հասցեով մատակարարված ապրանքը:

2.3.2 Գնորդից պահանջել վճարելու պայմանագրով նախատեսված կարգով, ծավալներով, ժամկետներում և հասցեով մատակարարված և Գնորդի կողմից ընդունված ապրանքի համար իրեն վճարման ենթակա գումարները:

2.3.3 Միակողմանի լուծել պայմանագիրը (լրիվ կամ մասնակի), եթե Գնորդն էականորեն խախտել է պայմանագիրը:

2.3.3.1 Գնորդի կողմից պայմանագիրը խախտելն էական է համարվում, եթե բազմիցս խախտվել են ապրանքի համար վճարելու ժամկետները:

2.3.4 Գնորդի համաձայնությամբ վաղաժամկետ մատակարարել ապրանքը:

2.4 Վաճառողը պարտավոր է՝

2.4.1 Գնորդին հանձնել ապրանքը՝ պայմանագրով նախատեսված կարգով, ծավալներով, ժամկետներում և հասցեով:

2.4.2 Ապահովել ապրանքի մատակարարումը պայմանագրի 2.1.2 կետի բ) ենթակետին և (կամ) 2.1.5 կետին համապատասխան՝ Գնորդի կողմից սահմանված ժամկետներում:

2.4.3 Գնորդին հանձնել երրորդ անձանց իրավունքներից ազատ ապրանք:

2.4.4 Գնորդին հանձնել պայմանագրով նախատեսված որակի և քանակի ապրանք՝ պայմանագրով նախատեսված ժամկետներում և հասցեով, իսկ Գնորդի պահանջով տրամադրել ապրանքի որակը հավաստող՝ ՀՀ օրենսդրությամբ սահմանված փաստաթղթեր:

2.4.5 Թերի մատակարարում թույլ տալու դեպքում, պայմանագրով նախատեսված կարգով, լրացնել թերի մատակարարվածը:

2.4.6 Հետ տանել Գնորդի կողմից պայմանագրի 2.2.2 կետին համապատասխան՝ պատասխանատու պահպանության ընդունված ապրանքը կամ ողջամիտ ժամկետում տնօրինել այն, ինչպես նաև հատուցել ապրանքը պատասխանատու պահպանության ընդունելու, այն իրացնելու կամ Վաճառողին վերադարձնելու հետ կապված անհրաժեշտ ծախսերը:

2.4.7 Պայմանագրով նախատեսված դեպքերում վճարել պայմանագրի 6.2 և 6.3 կետերով նախատեսված տույժը և տուգանքը:

2.4.8 Գնորդին հանձնել ապրանքի պատկանելիքները և համապատասխան փաստաթղթերը:

2.4.9 Պայմանագրի 2.1.7 կետի համաձայն պայմանագրի լուծումից հետո Գնորդին հատուցել վերջինիս պատճառված և սահմանված կարգով հիմնավորված վնասները:

2.4.10 Որակավորման և պայմանագրի ապահովում ներկայացրած անձը պարտավոր է ապահովումների գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Գնորդին:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

3.1 Պայմանագրի գինը կազմում է 3 079 000 (երեք միլիոն յոթանասունինը հազար) ՀՀ դրամ: Պայմանագրի գինը ներառում է պայմանագրի կատարումն ապահովելու նպատակով Վաճառողի կողմից կատարվելիք բոլոր վճարները (ծախսերը), այդ թվում՝ հարկերը, տուրքերը, փոխադրման, ապահովագրման ծախսերը, պարգևավճարները և ակնկալվող շահույթը:

Ապրանքի մատակարարման գինը կայուն է և Վաճառողն իրավունք չունի պահանջել ավելացնելու, իսկ Գնորդը նվազեցնելու այդ գինը:

3.3 Գնորդն իրեն մատակարարված ապրանքի դիմաց վճարում է ՀՀ դրամով անկանխիկ՝ դրամական միջոցները Վաճառողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձնման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով և եռամսյակների: Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է 15 բանկային օրվա ընթացքում, բայց ոչ ուշ, քան 15.12.2022թ-ը:

¹⁸ Եթե Վաճառողի կողմից գնային առաջարկը ներկայացվել է առանց ԱԱՀ-ի, ապա պայմանագիրը կնքելիս «ներառյալ ԱԱՀ-ն» բառերը հանվում են:

ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է 15 բանկային օրվա ընթացքում, բայց ոչ ուշ, քան **15.12.2022թ-ը**:

4. ԱՊՐԱՆՔԻ ՈՐԱԿԸ ԵՎ ԵՐԱՇԽԻՔԸ

4.1 Վաճառողը երաշխավորում է մատակարարված ապրանքի որակի համապատասխանությունը պետական ստանդարտի պահանջներին:

5. ԱՊՐԱՆՔԻ ՀԱՆՁՆՈՒՄԸ ԵՎ ԸՆԴՈՒՆՈՒՄԸ

5.1 Մատակարարված ապրանքն ընդունվում է Գնորդի և Վաճառողի միջև հանձնման-ընդունման արձանագրության ստորագրմամբ: Ապրանքը Գնորդին հանձնելու փաստը ֆիքսվում է Գնորդի և Վաճառողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ապրանքի մատակարարման համար նախատեսված օրը ներառյալ Վաճառողը Գնորդին է տրամադրում իր կողմից ստորագրված՝ ապրանքը Գնորդին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է www.procurement.am հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Վաճառողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է www.procurement.am հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

5.2 Եթե մատակարարված ապրանքը համապատասխանում է պայմանագրի պայմաններին, Գնորդը պայմանագրի 5.1 կետում նշված փաստաթղթերը ստանալու օրվան հաջորդող աշխատանքային օրվանից հաշված **հինգ** աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

5.3 Եթե մատակարարված ապրանքը կամ դրա մի մասը չի համապատասխանում պայմանագրի պայմաններին, ապա Գնորդը չի ստորագրում հանձնման-ընդունման արձանագրությունը և պայմանագրի 5.2 կետում նշված ժամկետում էլեկտրոնային գնումների armeps համակարգի միջոցով Վաճառողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Գնորդը ձեռնարկում է նման իրավիճակի համար պայմանագրով նախատեսված միջոցները և Վաճառողի նկատմամբ կիրառում է պայմանագրով նախատեսված պատասխանատվության միջոցներ:

5.4 Եթե պայմանագրի 5.2 կետով սահմանված ժամկետում Գնորդը չի ընդունում մատակարարված ապրանքը կամ չի մերժում դրա ընդունումը, ապա մատակարարված ապրանքը համարվում է ընդունված և պայմանագրի 5.2 կետով սահմանված վերջնաժամկետին հաջորդող աշխատանքային օրը Գնորդը էլեկտրոնային գնումների համակարգի միջոցով Վաճառողին է տրամադրում իր կողմից ստորագրված հանձնման-ընդունման արձանագրությունը:

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1 Վաճառողը պատասխանատվություն է կրում հանձնած ապրանքի որակի և պայմանագրով նախատեսված մատակարարման ժամկետների պահպանման համար:

6.2 Վաճառողի կողմից պայմանագրով նախատեսված ապրանքի մատակարարման ժամկետների խախտման դեպքում Վաճառողից յուրաքանչյուր ուշացված աշխատանքային օրվա համար գանձվում է տույժ՝ մատակարարման ենթակա, սակայն չմատակարարված ապրանքի գնի 0,05 (զրո ամբողջ հինգ հարյուրերորդական) տոկոսի չափով:

6.3 Պայմանագրի 1.1 կետում նշված տեխնիկական բնութագրին չհամապատասխանող ապրանք մատակարարելու յուրաքանչյուր դեպքում Վաճառողից գանձվում է տուգանք՝ պայմանագրի գնի 0,5 (զրո ամբողջ հինգ տասնորդական) տոկոսի չափով:²¹²Ընդ որում տուգանքը հաշվարկվում է նաև ապրանքի մատակարարումը սույն պայմանագրով սահմանված ժամկետում կատարելու, սակայն պատվիրատուի կողմից այդ չընդունվելու դեպքում: Եթե պայմանագիրը ներառում է մեկից ավել չափաբաժին, ապա տուգանքը հաշվարկվում է պայմանագրով այդ չափաբաժնի համար սահմանված ընդհանուր գնի նկատմամբ:

6.4 Պայմանագրի 6.2 և 6.3 կետերով նախատեսված տույժը և տուգանքը հաշվարկվում և հաշվանցվում են Վաճառողին վճարման ենթակա գումարների հետ:

6.5 Գնորդի կողմից պայմանագրի 3.3 կետով նախատեսված ժամկետի խախտման համար Գնորդի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում << օրենսդրությամբ սահմանված կարգով:

21 Եթե պայմանագիրը կնքվել է «Գնումների մասին» ՀՀ օրենքի 15-րդ հոդվածի 6-րդ կետի հիման վրա, ապա տուգանքը հաշվարկվում է այն համաձայնագրի գնի նկատմամբ, որի շրջանակում արձանագրվել է ստանձնված պարտավորությունների չկատարման կամ ոչ պատշաճ կատարման հանգամանքը:

Եթե պայմանագիրը ներառում է մեկից ավել չափաբաժին, ապա տուգանքը հաշվարկվում է պայմանագրով այդ չափաբաժնի համար սահմանված ընդհանուր գնի նկատմամբ:

6.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

7. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

Պայմանագրով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

8. ԱՅԼ ՊԱՅՄԱՆՆԵՐ

8.1 Պայմանագիրն ուժի մեջ է մտնում Կողմերի ստորագրման պահից և գործում է մինչև կողմերի՝ պայմանագրով ստանձնած պարտավորությունների ողջ ծավալով կատարումը:

Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:²²³³³

8.2 Պայմանագրից ծագած՝ կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

8.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ պայմանագիրը կնքելու նպատակով կազմակերպված գնման գործընթացում, մինչև պայմանագրի կնքումը, Վաճառողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Գնորդը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Գնորդը չի կրում պայմանագրի միակողմանի լուծման հետևանքով Վաճառողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Գնորդի կրած վնասներն այն ծավալով, որի մասով պայմանագիրը լուծվել է:

8.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

8.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագիր կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ապրանքի ծավալների կամ ձեռք բերվող ապրանքի միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

8.8 Ապրանքի մատակարարման ժամկետը կարող է երկարաձգվել մինչև պայմանագրով այդ ժամկետը լրանալը՝ Վաճառողի առաջարկության առկայության դեպքում, պայմանով, որ Գնորդի մոտ չի վերացել ապրանքի օգտագործման պահանջը, իսկ Վաճառողի առաջարկությունը ներկայացվել է ոչ ուշ, քան պայմանագրով ի սկզբանե մատակարարման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ապրանքի մատակարարման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

8.9 Պայմանագրի պատշաճ կատարման պայմաններում կողմերի (Վաճառող կամ Գնորդ) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Վաճառողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Վաճառողը:

²² Պետական բյուջեի միջոցների հաշվին պարտավորություններ չառաջացնող գնումների դեպքում սույն նախադասությունը պայմանագրից հանվում է:

8.10 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ապրանքի մատակարարման համար անհրաժեշտ ֆինանսական հատկացումների նվազեցումը:

8.11 Վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Գնորդը հրապարակում է www.procurement.am հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Գնորդը այն ուղարկվում է նաև Վաճառողի էլեկտրոնային փոստին:

8.12 Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:

8.13 Պայմանագիրը կազմված է 11 էջից, կնքվում է երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ: Պայմանագրի N 1, N 2, N 3 և N 3.1 հավելվածները, համարվում են պայմանագրի անբաժանելի մասը:

8.14 Պայմանագրի հետ կապված հարաբերությունների նկատմամբ կիրառվում է Հայաստանի Հանրապետության իրավունքը:

8.16 Սույն պայմանագրի շրջանակներում պատասխանատու ստորաբաժանում է հանդիսանում ՀՀ ՊՆ ՆՏԱ գլխավոր վարչությունը, իսկ կառուցվածքային ստորաբաժանում է հանդիսանում ՀՀ ՊՆ գործերի կառավարչությունը:

9. Կողմերի հասցեները, բանկային վավերապայմանները և ստորագրությունները

ԳՆՈՐԴ

ՀՀ պաշտպանության նախարարություն
ՀՀ, ք. Երևան, Բագրևանդի 5
ՀՀ ֆինանսների նախարարության
աշխատակազմի գործառնական վարչություն
Հ/Հ 900011144079
ՀՎՀՀ 02522157

ՀՀ պաշտպանության նախարարի տեղակալ


Կ. ԲՐՈՒՏՅԱՆ
/ստորագրություն/
Կ.Տ

ՎԱՃԱՌՈՂ

«ԱՏԱ» ՍՊԸ


ք. Երևան, Մալխասյան 25

«Արդշինբանկ» ՓԲԸ

Հ/Հ 2471200503870000



ՀՎՀՀ 02203752

Տնօրեն


Ա. ՄՈՎՍԵՅԱՆ
/ստորագրություն/




ՏԵՆՆԻԿԱԿԱՆ ԲՆՈՒԹԱԳԻՐ

Ձ/հ	Գնման ենթակա ապրանքի անվանումը	Տեխնիկական բնութագիրը
3.	<p>խորհրդանշական նվերներ (ՀՀ ՀՈՒ մասնակցությամբ միջազգային միջոցառումների համար նախատեսված (գավաթ))</p>	<p>Գավաթը ոսկեգույն է, լինում է երեք տարբեր չափսերի՝ 41-ից 50 սմ, 47-ից 56 սմ և 52-ից 60 սմ բարձրությամբ, այնպես, որ յուրաքանչյուր հաջորդ չափսի գավաթը նախորդից բարձր է առնվազն 4 սմ-ով (մեծ գավաթ՝ 4 հատ, միջին գավաթ՝ 8 հատ, փոքր գավաթ՝ 21 հատ): Երեք տարբեր չափսի գավաթներն ունեն նույն տեսքը և տարբերվում են միայն չափսերով: Գավաթի պատվանդանը ամուր պլաստմասից է, ուղղանկյունանիստ և ունի 6-ից 12 սմ բարձրություն: Պատվանդանի կենտրոնական մասում փակցված են ոսկեգույն մետաղական ցուցանակներ, որոնց վրա գունավոր տպագրված են միջոցառման համապատասխան մրցանակային տեղի վերաբերյալ գրառումներ (տվյալները կտրամադրվեն պատասխանատու ստորաբաժանման կողմից պայմանագիրը կնքվելուց հետո՝ 5 աշխատանքային օրվա ընթացքում): Գավաթի զագաթի դիմերեսին և դարձերեսին փակցված են գունավոր տպագրված ոսկեգույն մետաղական սկավառակներ՝ միջոցառման վերաբերյալ գրառումներով (տվյալները կտրամադրվեն պատասխանատու ստորաբաժանման կողմից պայմանագիրը կնքվելուց հետո՝ 5 աշխատանքային օրվա ընթացքում): Մատակարարվող ապրանքները, մինչ մատակարարումը, երեք աշխատանքային օրվա պետք է համաձայնեցվեն պատասխանատու ստորաբաժանման հետ: Ապրանքի արտաքին տեսքը նկարի :</p> 
4.	<p>խորհրդանշական նվերներ (ՀՀ ՀՈՒ մասնակցությամբ միջազգային միջոցառումների համար նախատեսված (փոքր))</p>	<p>Մետաղյա մեդալ է, լինում է երկու տարբեր չափսերի: Առաջին դեպքում տրամագիծը՝ 65-ից 72 մմ, հաստությունը՝ 2-ից 4 մմ, երկրորդ դեպքում տրամագիծը՝ 48-ից 52 մմ, հաստությունը՝ 1,4-ից 2,2 մմ: Մեդալները երեք տեսակի են, ոսկեգույն՝ 1-ին մրցանակային տեղ զբաղեցնող մասնակիցների համար, արծաթագույն՝ 2-րդ մրցանակային տեղ զբաղեցնող մասնակիցների համար և բրոնզագույն՝ 3-րդ մրցանակային տեղ զբաղեցնող մասնակիցների համար (առաջին տեղ՝ 25 հատ մեծ և 9 հատ փոքր, երկրորդ տեղ՝ 25 հատ մեծ և 9 հատ փոքր, երրորդ տեղ՝ 24 հատ մեծ և 9 հատ փոքր): Մեծ մեդալը եզերված է 7-ից 11 մմ լայնություն ունեցող նախշով, որի դիմերեսին և դարձերեսին փակցված են տվյալ մեդալի երանգին համապատասխան մետաղական սկավառակներ՝ միջոցառման վերաբերյալ գրառումներով (տվյալները կտրամադրվեն պատասխանատու ստորաբաժանման կողմից պայմանագիրը կնքվելուց հետո՝ 5 աշխատանքային օրվա ընթացքում): Փոքր մեդալի դիմերեսին պատկերված է համապատասխան մրցանակային տեղի վերաբերյալ նշում, իսկ դարձերեսին փակցված են տվյալ մեդալի երանգին համապատասխան մետաղական սկավառակ՝ միջոցառման վերաբերյալ գրառումներով (տվյալները կտրամադրվեն պատասխանատու ստորաբաժանման կողմից պայմանագիրը կնքվելուց հետո՝ 5 աշխատանքային օրվա ընթացքում): Մեդալի ժապավենը եռագույն է (կարմիր, կապույտ, նարնջագույն), ունի 2-ից 3 սմ լայնություն, մեդալին ամրացված երկտակ վիճակում ունի 41-ից 46 սմ երկարություն: Ժապավենի մեդալին ամրացման մասում ոսկեգույն երկտակ ծալվածք է՝ կաշվից կամ փոխարինիչից, որի ներքևում կենտրոնադիր տեղադրված է մետաղյա օղակ, որը մետաղյա ամրակի միջոցով միանում է մեդալին: Մատակարարվող ապրանքները, մինչ մատակարարումը, երեք աշխատանքային օրվա ընթացքում պետք է համաձայնեցվեն պատասխանատու ստորաբաժանման հետ: Ապրանքի արտաքին տեսքը համաձայն նկարի:</p> 

<p>5.</p>	<p>խորհրդանշական նվերներ (Ձինանշանով թղթե տոպրակ (մեծ))</p>	<p>Տոպրակը պատրաստված է մուգ կանաչ, լամինացված սովարաթղթից (300գր/մ2 խտությամբ): Տոպրակն ունի 26.8-ից 27.8 սմ երկարություն, 12.1-ից 13.1 սմ լայնություն և 39.7-ից 40.7 սմ բարձրություն: Տոպրակի վերևամասում ոսկեգույն մետաղյա օղակներ են, որոնցից ամրացված են տոպրակի սև գույնի, 0.4-ից 0.6 սմ հաստությամբ պարանները: Տոպրակի վերևամասում ոսկեգույնով պատկերված է 5.3-ից 5.9 սմ լայնություն և 6.8-ից 7.5սմ բարձրություն ունեցող ՀՀ ԶՈՒ զինանշանը: Ձինանշանից ներքև ոսկեգույնով պատկերված է 15.4-ից 16.2 սմ երկարություն և 3-ից 4 սմ բարձրություն ունեցող ՀՀ ՊՆ վարչական համալիրը, որից ներքև հայերեն, ռուսերեն և անգլերեն ոսկետառ գրված են «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ» բառերը (տառերի բարձրությունը՝ 0.5-ից 0.9 սմ): Տոպրակի դարձերեսն ունի նույն նկարագիրը՝ ինչ դիմերեսը: Տոպրակները փաթեթավորված են սովարաթղթով: Մատակարարվող ապրանքները, մինչ մատակարարումը, երեք աշխատանքային օրվա ընթացքում պետք է համաձայնեցվեն պատասխանատու ստորաբաժանման հետ: Ապրանքի արտաքին տեսքը համաձայն նկարի:</p> 
<p>6.</p>	<p>խորհրդանշական նվերներ (Ձինանշանով թղթե տոպրակ (միջին))</p>	<p>Տոպրակը պատրաստված է մուգ կանաչ, լամինացված սովարաթղթից (300գր/մ2 խտությամբ): Տոպրակն ունի 22.4-ից 23.4 սմ երկարություն, 9.6-ից 10.6 սմ լայնություն և 33.4-ից 34.4 սմ բարձրություն: Տոպրակի վերևամասում ոսկեգույն մետաղյա օղակներ են, որոնցից ամրացված են տոպրակի սև գույնի, 0.4-ից 0.6 սմ հաստությամբ պարանները: Տոպրակի վերևամասում ոսկեգույնով պատկերված է 5.3-ից 5.9 սմ լայնություն և 6.8-ից 7.5սմ բարձրություն ունեցող ՀՀ ԶՈՒ զինանշանը: Ձինանշանից ներքև ոսկեգույնով պատկերված է 15.2-ից 16 սմ երկարություն և 3-ից 4 սմ բարձրություն ունեցող ՀՀ ՊՆ վարչական համալիրը, որից ներքև հայերեն, ռուսերեն և անգլերեն լեզուներով ոսկետառ գրված են «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ» բառերը (տառերի բարձրությունը՝ 0.5-ից 0.8 սմ): Տոպրակի դարձերեսն ունի նույն նկարագիրը՝ ինչ դիմերեսը: Տոպրակները փաթեթավորված են սովարաթղթով: Մատակարարվող ապրանքները, մինչ մատակարարումը, երեք աշխատանքային օրվա ընթացքում պետք է համաձայնեցվեն պատասխանատու ստորաբաժանման հետ: Ապրանքի արտաքին տեսքը համաձայն նկարի:</p> 
<p>7.</p>	<p>խորհրդանշական նվերներ (Ձինանշանով թղթե տոպրակ (փոքր))</p>	<p>Տոպրակը պատրաստված է մուգ կանաչ, լամինացված սովարաթղթից (300գր/մ2 խտությամբ): Տոպրակն ունի 17.5-ից 18.5 սմ երկարություն, 7.5-ից 8.5 լայնություն և 20.4-ից 21.4 բարձրություն: Տոպրակի վերևամասում ոսկեգույն մետաղյա օղակներ են, որոնցից ամրացված են տոպրակի սև գույնի, 0.4-ից 0.6 սմ հաստությամբ պարանները: Տոպրակի վերևամասում ոսկեգույնով պատկերված է 5.3-ից 5.9 սմ լայնություն և 6.8-ից 7.5 սմ բարձրություն ունեցող ՀՀ ԶՈՒ զինանշանը, որից ներքև հայերեն, ռուսերեն և անգլերեն լեզուներով ոսկետառ գրված են «ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ» բառերը (տառերի բարձրությունը՝ 0.35-ից 0.65 սմ): Տոպրակի դարձերեսն ունի նույն նկարագիրը՝ ինչ դիմերեսը: Տոպրակները փաթեթավորված են սովարաթղթով: Մատակարարվող ապրանքները, մինչ մատակարարումը, երեք աշխատանքային օրվա ընթացքում պետք է համաձայնեցվեն պատասխանատու ստորաբաժանման հետ: Ապրանքի արտաքին տեսքը համաձայն նկարի:</p> 

8.	մեդալների և շքանշանների տուփեր (Մեդալի կաշվե տուփ)	<p>Տուփը պլաստմասե է, արտաքինից պատված է մուգ կանաչ արհեստական կաշվով և ունի 10-ից 11 սմ լայնություն, 14.5-ից 16 սմ երկարություն և 4-ից 4.7 սմ բարձրություն: Տուփի ծածկամասը՝ ամբողջ մակերեսով, պարունակում է բարակ հաստություն ունեցող սպունգ, իսկ եզրերը եզրակարված են մուգ կանաչ գույնի կարով: Տուփի դիմերեսի կենտրոնում ոսկեգույնով պատկերված է 3.3-ից 3.8 սմ լայնություն և 4.4-ից 4.9 սմ բարձրություն ունեցող ՀՀ ԶՈՒ զինանշանը, որից ներքև երեք լեզվով (հայերեն, ռուսերեն և անգլերեն) գրված են «ԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ ՆԱԽԱՐԱՐՈՒԹՅՈՒՆ» բառերը: Տուփը բացվում է զսպանակային մեխանիզմի միջոցով: Տուփի տակամասը ներսի հատվածում պատտառված է մուգ կանաչ թավիշով, իսկ ծածկամասի ներսի հատվածը՝ սպիտակ մետաքսով, որի ներքևի անկյունով ձգվում է սպիտակ մետաքսե ժապավեն՝ մեդալի վկայականը տեղադրելու համար: Տուփի ներսում տեղադրված է մուգ կանաչ թավիշով պատված, ուղղանկյունաձև կոշտ սպունգ, որի վրա գտնվում են մեդալը, իսկ նրանից վերև՝ մեդալի տարբերանշանը անշարժ տեղադրելու համար նախատեսված համապատասխան խողոչներ: Վերոնշյալ ուղղանկյան դարձերեսին գտնվում է կոշտ ստվարաթղթե հենակ՝ մեդալը և մեդալի տարբերանշանը հենված դիրքով ցուցադրելու համար, իսկ վերին մասում ամրացված է կանաչ ժապավեն՝ այն տուփից հեշտությամբ հանելու համար: Մատակարարվող ապրանքները, մինչև մատակարարումը, երեք աշխատանքային օրվա ընթացքում պետք է համաձայնեցվեն պատասխանատու ստորաբաժանման հետ: Ապրանքի արտաքին տեսքը համաձայն նկարի:</p>
----	--	--



Ծանոթություն.

Կնքվելիք պայմանագրով նախատեսված ապրանքի տեխնիկական բնութագրին համապատասխանող և դրա որևէ բաղադրիչի գծով որակական հատկանիշները գերազանցող ապրանքներ մատակարարելու դեպքում հնարավոր է ապրանքի ընդունումը, եթե առկա է հայտը նախագծող ներկայացուցչի (ներկայացուցիչների) գրավոր մասնագիտական եզրակացությունը:

1. Ապրանքները պետք է լինեն նոր և չօգտագործված:
2. Մատակարարման վայրը՝ ք. Երևան, Բագրևանդի 5 հասցե, մատակարարումն իրականացվում է մատակարարի ուժերով:
3. Պայմանագրի կատարումը կարող է իրականացվել փուլային ձևով:

ԳՆՄԱՆ ԺԱՄԱՆԱԿԱՑՈՒՅՑ

Զ/Հ	Գնման ենթակա ապրանքների անվանումը	Զ/մ	Քանակը	Միավորի գինը (ՀՀ դրամ)	Ընդհանուր գումարը (ՀՀ դրամ)	Մատակարարման ժամկետ 2022թ" 1-ին եռամսյակ
3	խորհրդանշական նվերներ (ՀՀ ԶՈՒ մասնակցությամբ միջազգային միջոցառումների համար նախատեսված (գավաթ))	հատ	33	15000	495000	33
4	խորհրդանշական նվերներ (ՀՀ ԶՈՒ մասնակցությամբ միջազգային միջոցառումների համար նախատեսված (փոքր))	հատ	101	4000	404000	101
5	խորհրդանշական նվերներ (Զինանշանով թղթե տոպրակ (մեծ))	հատ	350	800	280000	350
6	խորհրդանշական նվերներ (Զինանշանով թղթե տոպրակ (միջին))	հատ	600	600	360000	600
7	խորհրդանշական նվերներ (Զինանշանով թղթե տոպրակ (փոքր))	հատ	100	400	40000	100
8	մեդալների և շքանշանների տուփեր (Մեդալի կաշվե տուփ)	հատ	375	4000	1500000	375

ԳԵՌՈՂ
 ՀՀ պաշտպանության նախարարի տեղակալ
 Կ. ԲՐՈՒՏՅԱՆ
 /ստորագրություն/
 Կ.Տ

ՎԱՃԱՌՈՂ
 «ԱՍՍ» ՍՊԸ
 Տնօրեն Ա.Մովսեսյան
 /ստորագրություն/
 Կ.Տ



ՎՃԱՐՄԱՆ ԺԱՄԱՆԱԿԱՑՈՒՅՑ*

ՀՀ դրամ

Ը/Ի	Գնման առարկայի անվանումները	CPV կոդը	Նախատեսվում է ֆինանսավորել 2022թ., ըստ եռամսյակների, բայց ոչ ուշ քան 15.12.2022թ.			
			I եռ.	II եռ.	III եռ.	IV եռ.
3	խորհրդանշական նվերներ	39281200/12	495000	495000	495000	495000
4	խորհրդանշական նվերներ	39281200/13	404000	404000	404000	404000
5	խորհրդանշական նվերներ	39281200/19	280000	280000	280000	280000
6	խորհրդանշական նվերներ	39281200/20	360000	360000	360000	360000
7	խորհրդանշական նվերներ	39281200/21	40000	40000	40000	40000
8	մեդալների և շքանշանների տուփեր	18511190/1	1500000	1500000	1500000	1500000
	Ընդամենը		3079000	3079000	3079000	3079000

* Վճարման ենթակա գումարները ներկայացվում են ածողական կարգով:

ԳՆՈՐԴ

ՀՀ պաշտպանության նախարարի տեղակալ

Կ. ԲՐՈՒՏՅԱՆ

/ստորագրություն/
Կ.Տ.



ՎՃԱՌՈՐ

«ԱՏԱ» ՍՊԸ

Տնօրեն

Ա.Մովսեսյան

/ստորագրություն/
Կ.Տ.



Պայմանագրի կողմ

գտնվելու վայրը _____
հհ _____
հվհհ _____

Պատվիրատու

գտնվելու վայրը _____
հհ _____
հվհհ _____

**ԱՐՁԱՆԱԳՐՈՒԹՅՈՒՆ N
ՊԱՅՄԱՆԱԳՐԻ ԿԱՄ ԴԻԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ**

« » « » 20 թ.

Պայմանագրի /այսուհետ՝ Պայմանագիր/ անվանումը՝ _____

Պայմանագրի կնքման ամսաթիվը՝ « » « » 20 թ.

Պայմանագրի համարը՝ _____

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ « » « » 20 թ. դուրս գրված N ____ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատակարարել է հետևյալ ապրանքները՝

N	Մատակարարված ապրանքների							
	անվանումը	տեխնիկական բնութագրի համառոտ շարադրանքը	քանակական ցուցանիշը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ապրանքը հանձնեց

ստորագրություն

ազգանուն, անուն
Կ.Տ.

Ապրանքը ընդունեց

ստորագրություն

ազգանուն, անուն
Կ.Տ.

ԱԿՏ N _____
պայմանագրի արդյունքը Գնորդին հանձնելու փաստը ֆիքսելու վերաբերյալ

Սույնով արձանագրվում է, որ _____-ի (այսուհետ՝ Գնորդ) և _____
Գնորդի անվանումը _____ Վաճառողի անվանումը
(այսուհետ՝ Վաճառող) միջև 20 թ. _____-ին կնքված N _____
պայմանագրի կնքման ամսաթիվը _____ պայմանագրի համարը
պայմանագրի շրջանակներում Վաճառողը 20 թ. _____-ին հանձնման-ընդունման նպատակով Գնորդին հանձնեց
ստորև նշված ապրանքները.

Ապրանքի		
անվանումը	չափման միավորը	քանակը (փաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

Հանձնեց

ազգանուն, անուն

Ստորագրություն

Ընդունեց

հայտը նախագծած ներկայացուցիչ՝

ազգանուն, անուն

ստորագրություն